



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

„კალოური“

„კალოური“, კ ა ლ ო ს პ ი რ უ ლ ი, კალობაზე შესასრულებელი ქართული ხალხური ლექს-სიმღერა, დაკავშირებული მინათმოქმედებასთან (კალოზე ხორბლის ლეწვა, განიავება). ჩაწერილია ქართლსა და კახეთში. კ. ერთხმიანია, კალოსპირული კი – ერთხმიანი და მრავალხმიანიც (ორ-სამხმიანი). ორივე ემყარება მღერად რეჩიტატივსა და შეძახილებს. ტექსტი უმთავრესად რვამარცვლიანი შაირით არის გამართული. მასში ასახულია შრომის პროცესი, სოც. უთანასწორობის განცდა, კარგი ამინდის ნატვრა და სხვ. ლექს-სიმღერებს ზოგჯერ წამახალისებელი, საღალღობო ხასიათი აქვს, ისე როგორც სხვა სამინათმოქმედო სიმღერებში, კ-შიც ხშირად იხსენიება „ოროველა“.

ლიტ.: მ ა მ ა ლ ა ძ ე თ., შრომის სიმღერები კახეთში, თბ., 1962; ო ქ რ ო შ ი ძ ე თ., ქართული ხალხური შრომის პოეზია, თბ., 1963; ჩ ი ქ ო ვ ა ნ ი მ., ქართული ხალხური სიტყვიერების ისტორია, ტ. 1, თბ., 1975; ჩ ხ ი კ ვ ა ძ ე გრ., ქართული ხალხური სიმღერა, ტ. 1, თბ., 1960.
